

2.0.

**UGOVOR O JAVNOJ NABAVCI  
SANITETSKOG POTROŠNOG MATERIJALA-OP 06p/18  
(Lot 2- Alkohol i jod)**

Zaključen između ugovornih strana:

1. **Javne ustanove Dom zdravlja Kantona Sarajevo**, sa sjedištem u Sarajevu, ulica Vrazova br. 11, ID broj 4200174570004, koju zastupa generalni direktor mr.sci.med.prim.dr. Fuad Husić ( u daljem tekstu: **Naručilac**)

i

2. **KRAJINAGROUP d.o.o.**, sa sjedištem u Banja Luci, ulica Novakovići bb, ID broj: 4403661990009, koju zastupa direktor Đorđo Savić, (u daljem tekstu: **Izvršilac**).

Ugovorne strane su saglasne u sljedećem:

#### **I Osnova za zaključenje ugovora**

##### **Član 1.**

Osnov za zaključenje ugovora je Odluka o pokretanju postupka javne nabavke broj 01-03-6996/18 od 30.07.2018 godine, Odluka o izboru ponuđača broj 01-03-6996-8/18 od 10.09.2018 godine, u otvorenom postupku javne nabavke broj OP-06p/18 za Lot 2 – Alkohol i jod.

#### **II Predmet ugovora**

##### **Član 2.**

Predmet ugovora je sukcesivna nabavka i isporuka potrošnog sanitetskog materijala Lot 2 - Alkohol i jod, bliže specificirana u ponudi Izvršioca, koja je sastavni dio ugovora.

#### **III Ukupna vrijednost ugovora**

##### **Član 3.**

Ukupna vrijednost ugovora iz člana 2. Ugovora, sa uključenim PDV-om iznosi:

**26.614,63 KM**

(Slovima: dvadesetšeststotinačetnaest i 63/100 pf).

U ukupnu ugovorenu vrijednost su uključeni svi zavisni troškovi nabavke robe na paritetu fco - skladište kupca.

#### **IV Obezbjedenje sredstava**

##### **Član 4.**

Sredstva u iznosu iz člana 3. Ugovora, obezbjedit će Naručilac iz vlastitih sredstava.

## **V Vrijeme trajanja ugovora**

### **Član 5.**

Ugovor se sklapa na period od 1 godine, a stupa na snagu danom potpisivanja Izvršioca.

## **VI Rok isporuke**

### **Član 6.**

Rok isporuke predmeta Ugovora je najduže u roku do 5 dana od dana prijema narudžbenice Naručioca.

## **VII Način i uslovi plaćanja**

### **Član 7.**

Nakon stupanja na snagu ovog Ugovora, plaćanje predmeta ugovora vršit će se u roku od 60 dana od dana ispostavljanja fakture.

## **VIII Kvalitet robe**

### **Član 8.**

Izvršilac odgovara za kvalitet isporučene robe, zbog čega je obavezan da prije potpisivanja ugovora, dostavi uzorak originalnog predmeta ugovora, u magacin ugovornog organa, na osnovu kojeg će se vršiti usporedba primljene količine i vrste predmeta ugovora.

Iznos vrijednosti dostavljenih uzoraka će biti uračunat u zadnju ispostavljenu fakturu a što je potrebno naznačiti u istoj.

Predmet ovog Ugovora, mora biti propisno upakovan na način da je hermetički zatvoren i u originalnoj ambalaži.

Ako se za vrijeme trajanja ugovora utvrdi da kvalitet robe nije u skladu sa stavom 1. ovog člana, Naručilac zadržava pravo jednostranog raskida ugovora uz mogućnost pokretanja sudskog postupka za naknadu štete.

## **IX Obaveze Izvršioca**

### **Član 9.**

Izvršilac je obavezan da predmet ovog Ugovora isporučuje u svemu prema zahtjevima Naručioca, na osnovu predhodno ispostavljene narudžbenice.

Za isporučeni predmet Ugovora, Izvršilac je obavezan da obezbjedi otpremnicu na koju treba da se potpiše skladištar u magacinu Naručioca. Otpremnica treba da bude prilog ispostavljene fakture i ista mora da sadrži šifru artikla isporučioća, šifru artikla naručioća za svaki pojedinačni artikal kao i jedinicu mjere iz tenderske specifikacije uparenu sa jedinicom mjere Izvršioca i količinom koja se isporučuje.

Izvršilac je obavezan isporučenu robu koja ima oštećenja ili vidljive nedostatke, zamjeniti ispravnom u roku od tri dana po prijemu obavijesti Naručioca.

Troškove koji predhode isporuci predmeta Ugovora, kao i troškove same isporuke snosi Izvršilac, a sve ostale troškove nakon isporuke i stavljanja u upotrebu predmeta Ugovora, snosi Naručilac.

Izvršilac je dužan da za potrebe izvršenja pruzetih obaveza po ovom Ugovoru, saraduje sa odgovornim licem Odjeljenja za komercijalne poslove i nabavku Naručioca.



#### **Član 10.**

Izvršilac se obavezuje da će rok upotrebe ugovorene robe u vrijeme isporuke biti najmanje 70% njihovog cjelokupnog roka upotrebe.

Robu sa isteklim rokom upotrebe, Izvršilac je obavezan preuzeti i o svom trošku uništiti. Za vraćenu robu iz stava 1. ovog člana Izvršilac je obavezan izvršiti povrat sredstava ili isporučiti istu robu sa ispravnim rokom trajanja.

#### **Član 11.**

Izvršilac je obavezan da Naručiocu, najkasnije u roku od 15 dana od dana potpisivanja ugovora, na ime obezbjeđenja urednog izvršenja obaveza, preda bankovnu garanciju u visini od 3% ugovorene vrijednosti robe, koja je neopoziva, безусловna, bez prava na prigovor i naplativa na prvi poziv.

Forma bankovne garancije određena je članom 6. Pravilnika o formi garancije za ozbiljnost ponude i izvršenje ugovora („Službeni glasnik BiH“ broj 90/14).

Pokriće iz bankarske garancije ne oslobađa Izvršioca ugovora odgovornosti sve do namirenja stvarne štete.

### **X Obaveze Naručioca**

#### **Član 12.**

Naručilac je obavezan da predmet ovog Ugovora, koji bude predmet sukcesivnog isporučivanja, poručiti na osnovu uredno ispostavljene narudžbenice.

Ako Naručilac pri preuzimanju robe, a najkasnije u roku od 5 dana, ustanovi nedostatke bitne za isporučenu količinu robe ili kvalitet robe, dužan je o tome putem sastavljenog zapisnika odmah obavijestiti Isporučioca, radi uklanjanja naznačenih nedostataka a isporučilac je dužan zamijeniti robu.

Ukoliko se nakon prijema predmeta Ugovora i stavljanja u upotrebu istog od strane Naručioca, pokaže da zaprimljena roba ima neki nedostatak koji se nije mogao otkriti prilikom preuzimanja istog, odnosno ima skriveni nedostatak, Naručilac je dužan da o tom nedostatku odmah obavijesti Izvršioca.

### **XI Ostale odredbe**

#### **Član 13.**

Izvršilac je dužan da za potrebe izvršenja pruženih obaveza po ovom Ugovoru, saraduje sa odgovornim osobama Naručioca (odgovorno lice Odjeljenja za komercijalne poslove i nabavku) radi odgovarajuće dinamike isporuke.

#### **Član 14.**

Naručilac je obavezan da Izvršiocu dostavi pismeno obavještenje o svakom propustu u izvršenju ovog ugovora i ostavi razuman rok za njihovo otklanjanje.

#### **Član 15.**

Ovaj ugovor se može raskinuti sporazumno uz obostranu saglasnost ugovornih strana.

**Član 16.**

Svaka ugovorna strana ima pravo jednostranog raskida ugovora u slučaju da druga strana ne izvršava svoje ugovorne obaveze.

Jednostrani raskid ugovora mora se najaviti 15 (petnaest) dana ranije.

**Član 17.**

Na sve što nije predviđeno ovim Ugovorom, primjenjivat će se odredbe Zakona o obligacionim odnosima.

**Član 18.**

Ugovorne strane su saglasne da će sve sporove koji eventualno nastanu u toku i u vezi sa realizacijom ovog Ugovora, rješavati sporazumno, dok će u suprotnom biti naležan Sud u Sarajevu.

**Član 19.**

Ugovor stupa na snagu danom potpisivanja Izvršioca, a sačinjen je u četiri primjerka od kojih Naručilac zadržava tri primjerka (SEFP, Glavni tehničar Ustanove, JN) a Izvršilac, jedan primjerak.

**NARUČILAC**  
Javna ustanova Dom zdravlja  
Kantona Sarajevo

Generalni direktor  
mr. sci. med. prim. dr. Fuad Husić



Broj: 01-03-6996-10//18  
Dana: 25.09.2018. godine

04 -10- 2018

**IZVRŠILAC**  
Krajinagroup doo Banja Luka

Direktor  
Đorđo Savić

  


Broj: 468/18  
Dana: 02.10.2018

OBRAZAC ZA CIJENU PONUDE

Naziv ponuđača: KRAJINAGROUP D.O.O.  
 Adresa: NOVAKOVICI BB, POCPO BANJA LUKA  
 Kontakt tel.: 051/926-779

**PREDMET NABAVKE: SANITETSKI MATERIJAL OP-06p/18**  
**LOT BR. 2 - ALKOHOL I JOD**

Stavka br.	Opis roba	Zemlja porijekla	Jed.mj.	Količina	Jedinična cijena bez PDV-a	Jedinična cijena sa PDV-om	Ukupna vrijednost bez PDV-a	Ukupna vrijednost sa PDV-om
1	ALKOHOL 96%	SRBIJA	Lit.	850	23,97	28,045	20374,50	23838,17
2	Povidon jod A 100 ml.	MAKEDONIJA	Kom	170	4,42	5,170	751,40	879,90
3	Povidon jod A 1 L	BH	Lit.	90	18,02	21,084	1621,80	1897,56
Cijena u KM bez PDV-a								22747,70
Popust % (ukoliko se nudi)								—
Vrijednost bez PDV-a sa popustom u KM								22747,70
PDV 17%								3866,93
Ukupna vrijednost ponude sa PDV-om u KM								26614,63

Rok isporuke 5 dana od dana prijema narudžbenice  
 Rok plaćanja u danima 60 dana od ispostave fakture  
 Za svaku stavku se mora navesti cijena

POTPIS I PEČAT PONUĐAČA

